



**Sámi
allaskuvla**

OAHPPOPLÁNA

Boazoealáhusa ekonomii ja doaimabiras

10 oahppočuoggá

1. OAHPPOOVTTADAGA NAMMA

Boazoealáhusa ekonomiiija ja doaibmabiras
Økonomi og driftsmiljø i reindriften
Economy and operating environment in reindeer husbandry

2. OPPALAŠ DIEÐUT OAHPU BIRRA

- OAHPPOOVTTADAGA KODA BEA 203
- VIIDODAT 10 oahppočuoggá
- OAHPU LÁGIDEAPMI
Neahttadoarjjaoahpamus: Oahpus leat sihke fysalaš
oahppodeaivvadeamit Sámi allaskuvllas, ja neahttaoahpamus.
Fysalaš deaivvademiide dábálaččat ii leat vejolaš searvat
neahta bokte.

3. OAHPPOPROGRÁMMA GULLEVAŠVUOHTA

Oahppoovttadat lea geatnegahtton čiekŋudanoahppu Boazoealáhusa bachelorprográmmas.

4. SISABEASSANGÁIBÁDUSAT

Dábálaš sisabeassangáibádusat alitoahpahussii. Sisabeassanvuodđu sáhtta leat juogo oppalaš lohkelbbolašvuotta (čadahan joatkkaskuvlla/logahaga/gymnása) dahje reálagelbbolašvuotta. Dasa lassin galgá ohcci čadahan dahje čadaheame boazoealáhus bachelorprográmma geatnegahtton fágaoahpuid (gč prográmmaplána), dahje vástideaddji oahpuid.

Sámegiela gáibádusa sáhtta deavdit čuovvovaš vugiid mielde: Norgga joatkkaskuvllas sámegiella 1. dahje 2. giellan, Suoma logahagas eatnigielladutkkus dahje lohkan sámegiella vierrogiellan ja Ruota gymnásas eatnigiellan (modersmål 200 čuoggá) dahje ođđaáigásaš giellan (moderna språk 200-300 čuoggá) dahje vástideaddji sámegieloahppu doaibmi njuolggadusaid mielde. Sámegiela gáibádusa sáhtta maid deavdit sámegiela lohkanbadjeoahpuin, 30 oahppočuoggá, dahje vástideaddji oahpuin dahje ceavzit giellageahččaleami maid Sámi allaskuvla lágida. Jus lea eahpesihkarvuotta man dási gelbbolašvuotta ohccis lea, de ášši ovddiduvvo fágalaš árvoštallamii ja meannuduvvo dán vuodul.

5. OAHPAHUSGIELLA

Oahpamus lágiduvvo dábálaččat davvisámegillii, muhto sáhtta muhtun logaldallan dáro- dahje ruoŋagillii dehe engelasgillii. Oahpamus engelasgillii ii dulkojuvvo. Eará gielaide oahpamus dulkojuvvo dárbbu mielde.

6. SISDOALLU

Oahppu addá álgomáhtu boazoealáhusa ekonomiijas ja doaibmabirrasis, nugo dovdat hálddahaslaš beliid, bargobirasbeliid, almmolaš ekonomalaš statistihkaid ja doarjjavugiid. Dás studeanttat oahpásmuvvet guovddáš beliide boazosámi beaivválaš bargovugiin, ealáhuslágiin ja ođđa birgenvugiid háhkamiin. Oahppu addá maid ekonomiijafágalaš vuođu mainna studeanttat moaitevaččat ohppet árvoštallat bargobirasbeliid ja almmolaš ekonomalaš statistihkaid ja doarjjavugiid buot golmma davviriikkas.

7. OAHPPANJOKSOSAT

Manjel čađahuvvon oahpu galgá studeanta olahan čuovvovaš oahppanjoksosiid:

Diehtu:

Studeanta

- dovdá obbalaččat boazoealáhusa bargobirrasii ja dearvvašvuhtii gulli bálvalusaid
- diehtá gos gávdná dieđuid ealáhusekonomiija birra ja dasa gullelaš almmolaš statistihkaid buot golmma davviriikkas
- diehtá boazoealáhusa doarjjavuogádagaid
- diehtá gos gávdná dieđuid boazodoalloekonomiija rámmaid ja eavttuid birra, ja mo sáhtta boazoealáhusas háhkat lassiarvvu ođđa birgenvugiiguin

Máhttu:

Studeanta

- máhtta árvoštallat boazoealáhusa bargobiras- ja dearvvašvuođabálvalusaid ja ávkkástallat daid
- máhtta árvoštallat ja guorahallat almmolaš ekonomalaš statistihkaid ja ipmirdišgohtá mo heiveha daid dieđuid ealáhusa árvoháhkamiin
- máhtta árvoštallat ja guorahallat boazoealáhusa doarjjavuogádagaid ealáhusa árvoháhkamis
- ipmirda mo ealáhusas iešguđet láchkai háhká lassiarvvu ođđa birgenvugiiguin

Obbalaš gelbbolašvuohta:

Studeanta

- dovdá vuođuid dasa, mo árvoštallá ja heiveha iešguđet bargovugiid, ealáhuslágiid ja ođđa birgenvugiid boazoealáhusa árvoháhkamiin
- máhtta guorahallat, hábmet ja árvoštallat gažaldagaid, mat gusket ovdal namuhuvvon ealáhusekonomalaš ja bargobirasbeliid

8. OAHPAHAN- JA OAHPPANVUOGIT

Oahpahus lágiduvvo logaldallamin, joavkobargun ja čuovvovaš studeantaságastallamin, bagadallamin ja bagadallanseminárain.

9. GÁIBÁDUSAT BEASSAT EKSÁMENII

Ovdal beassá eksámenii, studeanta galgá:

- Searvan deaivvadeamiide ja neahttaoahpahussii, unnimusat 75 %.
- Searvan joavkobargui mas joavku bargá casain, ja ovdanbuktá dan studeantajovkui.
- Čađahan ovtta 4–5-siidosaš čálalaš barggu mainna lea bargan olles oahpu áigge ja mii lea vuodđun eksámenii.
- Studeanta galgá ovdanbuktit barggu njálmmálaččat bagadallansemináras.

10. EKSÁMEN

5-beaivásaš ruovttueksámen mas studeanta čállá refleškuvdnačálloša iežas válljen čuolmma mii lea oahppoplána ja lohkanmeari siskkobealde. Vástádusa guhkkodat lea gaskkal 8-10 siiddu.

Eksámenbargu árvvoštallojuvvo ECTS-vuogádaga árvosániid mielde, mas buoremus árvosátni lea A ja vuolimus ceavzinárvosátni lea E. F-árvosátni mearkkaša ahte ii leat ceavzán.

11. LEA GO PRIVATISTTAIN VEJOLAŠ VÁLDIT DÁN FÁGA/FÁTTÁ?

Ii leat.

12. KVALITEHTASIHKKARASTIN

Čujuhuvvo Sámi allaskuvlla kvalitehtasihkkarastinvuogádahkii ja dasa makkár vejolašvuodát ja geatnegasvuodát studeanttain lea árvvoštallat Sámi allaskuvlla oahppofálaldagaid ja bálvalusaid kvalitehta.

Studeantadásis oahppu árvvoštallojuvvo evaluerenčoahkkimis ja studeanttat devdet árvvoštallanskovi oahpu loahpahettiin. Ásahusdásis oahppu árvvoštallojuvvo studeantaárvvoštallamiid, eksámenraporttaid, sensorraporttaid ja fágaraortta vuodul.